

嘉興府志卷四十三

嘉興府知府 伊湯安 重輯

名宦二

嘉善縣

明

鄭時字習之沂州人歲貢生宣德初知玉田縣改嘉善性坦易不尚刑罰時縣治初建百事未舉與僚佐夙夜經營勞民動衆而下無怨言九載乞休

吳志

楊懋四川永寧人宣德三年任魏塘巡檢地當松秀要衝有中使夜過舟重命懋括民舟挽之懋怒將檢閱其行

嘉興府志

卷四十三

名宦二

一

裝中使恐夜易小舟去有鹽徒行劫懋率兵追捕格鬪數十合子殞賊手官兵稍卻懋氣益奮卒縛渠魁下獄梟市臺府上其功加主簿俸時初分縣治委懋經營不逾年而官廨學舍皆告成焉

浙江通志參嘉善于志

聶如斌豐城人宣德十年任典史職董水利令民廣築隄防常潛乘小舸察民勤惰以行勸懲境內大水憲臣驗荒者意有齟齬如斌卽自投田間水深沒頂憲臣動容民得免稅又以北鄉田久荒民苦賠輸督民高其圩塍

以備水患民皆賴之

浙江通志參吳志

李遜字時敏南豐人正統進士知縣事機警有吏才下不

能欺性寬易民有過笞之未嘗褫衣九載將行民詣上官乞留事聞進秩本府通判後以征閩寇督餉有功陞

知廉州府

吳志參嘉善于志

陳昂字勉之宜興人任訓導學問宏博訓士子悉根義理夜輒躬巡學舍察諸勤惰秩滿拜監察御史

沈律字應和崑山人由舉人中禮部乙榜授訓導性坦易作起士類兩與福建河南同考官監生李夢有母妻喪不克葬律首助之陞昌黎教諭

曾師孔惠安人由舉人任教諭勤于講授諸生貧而無書者購畀之或有饋遺拒不納

以上嘉善于志

嘉興府志

卷四十三

各宦二

二

汪貴字良貴歙縣人成化進士知縣事廉潔狷介愛民如子歲汰無名之費數十萬錢倉庾學校多其構葺然性伉直短于應對不爲當道所容又爲政不便豪猾以是坐調瀕行橐篋蕭然擁畱者數千人時華亭張莊簡公悅素知貴名白其賢冢宰王端毅公恕疏令復任

吳志參嘉

善于志

王緒字紹夫樂平人應天鄉試舉人授訓導立教尙嚴時學宮就圯緒不請有司勸鄉之尙義者助建學門構庫舍甃石闌新聖賢之像飾祭祀之器皆有程式同時訓導劉汝瞻字民望宣城人歲貢生爲人清約講論斷斷

與緒寬嚴相濟緒秩滿擢知忠州汝瞻在任六年致仕

嘉善于志參
浙江通志

潘瑜龍溪人隆慶衛籍監生任邑丞剛果有爲不惕于勢
嘗謁臬司隸卒二人至瑜館有所索瑜留之密往白于
臬司李延壽壯之卽令推訊二人伏辜瑜剔刷百弊奸
豪屏跡嘗廣學舍置義田陞長安知縣

嘉善
于志

劉子厲字克溫江西人宏治進士知縣事性廉敏精悍斷
獄律比銖兩重輕皆自出其手胥吏奉成案而已政雖
嚴明中實慈惠操履清白或以權勢臨之屹然不動三
載徵爲監察御史

浙江通志參
嘉善于志

嘉興府志

卷四十三

名宦二

三

藍郁字國馨鹽城人宏治進士初知蘄陽改任嘉善操守
廉潔愛民好士尤以厚風俗祛民患爲亟有訟者輒以
至誠動之不任刑而民自服甫一載卒于官

嘉善
于志

區越字文廣新會人宏治進士正德元年知縣事少遊陳
獻章之門慈祥簡靜得親民體平居無疾言遽色民甚
懷之擢戶部主事

李錫字天祐登封人監生正德三年任主簿性侃直有大
節八年江西姚源洞盜起犯衢州開化等縣錫應選率
民兵往禦至開化之馬金街斬獲賊首三顆力屈被擒
死于安仁之花橋贈本縣知縣後知縣張煥建尙節祠

祀之

王德明字宗周清苑人正德進士知封邱縣改嘉善持法

平允吏不能欺當道文移有不便者默寢之尤加意學

校禮貌諸生累官山西巡撫僉都御史

以上嘉善志參吳志

倪璣字公在咸寧人正德進士由諫垣謫邑丞素簡伉儷

抑豪猾詢求民隱于財賦水利之法靡不究心創脩縣

志建思賢書院毀淫祠嚴保甲置義塚及社學三載擢

任邱知縣

嘉善章志參吳志

郭田字汝耕長安人正德進士知長子縣改任嘉善性簡

直政令畫一堅持冰檠操人有饋遺輒峻拒之嘗指白

嘉興府志

卷四十三

名宦二

四

鑑謂左右曰此能亡身敗家爾等毋爲所汚時有生員

朱愚上書陳其過卽榜其書于縣門引以自責歷官布

政司參議

陳大韶字舜舉嵩明人童時嘗道拾美珠飾俟其主還之

侍父謁選京師父歿萬里歸觀廬墓三年母喪廬墓如

初事聞詔旌其門尋以選貢授訓導性淳篤言若不出

口動以禮信自持人稱爲毋欺先生在任七年致仕上

嘉善章志

何天啟字羲

吳志浙江通志俱作義

占貴溪人嘉靖進士由諫垣謫

丞遷令嘉善前此訟多停滯天啟至三日剖決無畱勾

攝不遺隸卒民無騷擾值歲潦力請蠲免竟爲當道所阻乃以贖緩抵賦由是益得廉譽逾年陞南雄府同知于業字建公金壇人嘉靖進士知縣事性精敏猾吏不能爲奸歲祲申請蠲貸邑無饑民爲政敦大體延邑人陸邨郁天民重修邑乘置學田旌節孝尤勤考課以振後學三載拜監察御史官至北畿督學使者

以上吳志參嘉善章志

蔡煥同安人由選貢任崑山訓導嘉靖癸卯應天解元署嘉善教諭操履廉靖嘗捐俸課士士非公服莫敢燕見所談惟經義史學諸生成畏慕之後以賢聞召爲都察

院司務歷官臨安知府

嘉善章志

嘉興府志

卷四十三

名宦二

五

陳道基字以忠晉江人同安籍嘉靖進士知縣事性簡易御下以寬凡訊囚期于開釋三年未嘗入一重辟遇豪猾重懲之不少貸故事日輪里長一人供役所費不貲道基酌一年公用之數計派有逋負鬻妻孥以償者輒爲代補間有窮民困迫請借公用餘銀以自活道基隨數給之民亦無一負者又擇士聯文會躬爲校閱三載擢御史歷官南京刑部尙書

嘉善章志參吳志

賴恩字英華汀州人官百戶嘉靖甲寅倭寇猖獗總戎調兵于閩恩奉檄禦賊賊突至枵腹出戰斬獲甚多時他將各觀望自保恩以孤軍血戰爲伏炮所中墮水死知

縣鄧植聞賊先遁餉絕衆兵入寺造飯賊縱火襲擊兵

大潰

嘉善章志

黃樞字翊卿南昌人嘉靖進士知縣事外嚴內明發奸摘伏法紀凜然邑大僚樞謁大吏免冠頓首請帑金以償賦尤畱意里甲役法稱平猾書斂手秩滿陞南京刑部主事遷湖州知府卒于官

吳志

周案字濟甫安福人嘉靖進士知縣事年少英敏剖決如流常以餘閒進諸生講藝又延名師啟書院擇士有志者漸摩之厚給廩餼暮年更任華亭歷官吏部侍郎

嘉善

章志參吳志

嘉興府志

卷四十三 名宦二

六

許鉉字國器石屏人嘉靖進士知縣事務崇節儉公出不攜厨役私衙不然官燭署中隙地課僮僕種蔬自給時訪民間疾苦有耆老董申洞悉徵糧利弊條陳均徭均賦數事鉉奇之請于巡按龐尙鵬奏行其議立條鞭法著爲令甲隴素嚴竣羣屬莫敢仰視鉉獨慷慨論議不激不阿審錄時見笞囚太重顧謂羣隸曰吾民窘無以賂若若無重傷吾民淚且霑霑下隴目之嘆曰是真民之父母也考績北行不能具舟車之費至京拜御史轉

僉事

嘉善章志

史朝鉉字貫之晉江人隆慶進士知縣事吏治明察胥吏

屏息性方介莫敢干以私擢南科給事中遷湖州知府
金和字元節長洲人萬歷進士知縣事性嚴峻持政緝密
吏莫敢欺監司令下築圩和每鄉擇巨姓有行者董其
事民不擾而功成至今賴之擢南兵部主事遷員外郎
以上吳志參
嘉善章志

胡彝簡會昌人由拔貢授主簿恂恂儒雅遵佐貳法惟謹
且榜誓言於門以自鑒上官批發據理曉諭不事敲扑
職司巡捕慮夜半邏卒倦臥每乘墉鳴鼓角發號以警
之時鄰府脫囚輒設法捕獲御史上其廉能擢長樂知
縣官至僉事

嘉興府志

卷四十三

名宦二

七

趙世顯字仁甫侯官人舉人署訓導丰采凝峻好與諸生
講論書法得晉人風骨尤工于詩所著有楚遊蜀遊武
塘諸稿登萬歷癸未進士

以上嘉善章志

章士雅字循之吳縣人萬歷進士知縣事蒞任後吏無訛
法延邑人盛唐袁黃重修邑乘營葺學校公署不勞民
力六載陞禮部主事

謝應祥字鳳皋安福人萬歷進士知縣事嚴正有威邑向
無定役貧富不均應祥乃立照田起役法豪右不能漏
稅民德之考試童子拔魏大中冠軍秩滿召拜御史歷
都察院左都御史

林先春字狷庵閩縣

吳志作侯官

人天啟進士知縣事恬澹無

欲風采凝然時民間投獻成習先春痛懲之弊始衰息
魏忠節斃詔獄追緩先春力爲幹旋恤死庇生靡所不
至愛士尤篤有巘山課業丁外艱歸教授生徒四十餘
年

蔡鵬霄字培自晉江人崇禎進士知縣事詢求民隱以興
利除弊爲已任憫糧役繁苦博采衆議設法均之學官
傾圯以時脩葺丁艱去服闋擢御史官至太僕寺少卿
李陳玉字謙菴吉水人崇禎進士知縣事甫下車漕兌紛
呶旗弁勒索加橫陳王執持甚力得復舊規覽邑形勢

嘉興府志

卷四十三

名宦二

八

購地築鶴湖書院建鳴鶴樓于縣治後請增科舉入學
額接見諸生以經義治事相勉且勸讀史漢大學衍義
聘已卯分校得士七人俱有才名所著退思堂集離騷
箋註易書詩經解行世秩滿陞禮部主事

以上嘉善楊志

國朝

劉肅之字欽中安陽人舉人知縣事順治二年邑初定餘
寇未殄撫綏安集以慈惠稱陞刑部主事歷官溫州知

府

嘉善楊志參吳志

莫大勲字魯巖宜興人順治進士康熙八年知縣事蒞任
初縣丞李婪橫大勲以嚴正待之懾不敢動御下不假

顏色胥隸皆股慄退聽撫民寬和待士有禮屈清丈平
役均賦實行官收官兌法上官嘉之頒行通省以爲例
在任七載清介之守始終不易舉卓異不能治裝士民
感恩輸助父老扶筇攀臥三十里臨別灑泣猶惓惓以
虛糧未盡去蕩糧未盡清三歎息焉考選擢給事中江浙通志參
吳志

闕振字翼公永定人舉人康熙丙午知縣事清剔逋賦識
拔名流以讒陷免官

楊廉字澹庵遼陽人以恩廕授知縣性剛果不畏強禦脩
築北鄉塍岸農人賴之邑志自章令士雅纂脩後八十

餘年散軼無稽前莫令六勲甫事整輯卽內陞去廉敦
聘紳士重脩刊刻燦然有章在任三載餘以星誤去
任雲蛟字澹庵蕭山人順治舉人康熙丙午任教諭每月
課文品題甲乙不稍假借黷序傾圯謀于紳士鳩工脩
葺堂廡聿新在任十年卒

盧燦字孟輝奉天海州人康熙壬子授邑丞遇事敏幹而
持以鎮靜擢龍游令

邵廷章字子會建德人康熙舉人授教諭課士一歲數舉
加意教育刻有魏塘課義三集遇歲科案發其新生之
貧者槩不受費兩次增葺黌宮後陞四川珙縣知縣

崔維華字西巖奉天寧遠州人服官勤慎詳革塘長重築
圩岸均有利於民續脩丁巳以後七年邑志維華父原
任湖廣藩司錢糧未楚奉檄核算解任去

盧宜字公弼定海人康熙舉人由蕭山教諭調補學問淵
深勤于著述教士寬嚴有法陞貴州鎮遠令

李之藻字辰銘武定州人兄文襄公之芳總制兩浙值耿
逆之變之藻隨任行間効力有能名後知縣事嚴明剛
介喜訟者俱斂跡之藻念民力惟艱三月開徵農忙畢
後始摘催一二革除漕糧私派飭束旗丁肆橫督潯城
河淺隘禮士崇文政教悉舉三載丁內艱去

閔元賞字紫階烏程人康熙舉人任教諭性和厚教士誠
懇勤于課試刻有鶴湖會藝四集倡脩學校在任十八
年與司訓趙汝旭趙天吉寅恭盡職卒于官

于舜枚字叶虞金壇人以副貢知縣事仁恕明敏精于剖
斷省差不擾澄剔舊逋分十限以紓民力脩復思賢書
院與士子虛懷講學刻有會課文二集詩賦一集一時
文風斐然以註誤去

李夢昂字震爲江都人康熙進士選庶常改授知縣性端
凝操守清潔念嵌糧攤賠貽累力持正疆歸額之議丁
內艱去後官至貴州鎮遠守

康珪字輯瑞榮澤人由廕生爲邑丞循謹自飭不輕受民一詞每委理民訟必勸令解釋康熙乙酉

御舟由松入泖道經嘉善當事議毀三官堂橋以待珪謂橋高無碍力持獲免在任十七年卒貧無以歸知縣梁文燧捐助百金返葬

沈雲鴻字又京杭州人康熙舉人任教諭課士甚嚴與人交敦古道以學宮領圯商之邑長紳士重爲脩葺并更新署舍議重建文昌閣未果陞嚴州教授所刻山石堂會業暨司訓沈紹曾評選武水月課文並行於世

邵煜字夢陽登封人康熙舉人知縣事勤慎明敏革浮糧

嘉興府志

卷四十三

名宦二

十一

清漕弊嚴緝盜賊昭雪冤誣期年獄訟鮮少以其餘力興利脩廢若城垣樓櫓壇壝祠宇倉廩官廨及義學義塚河渠圩岸橋梁之屬公私賴焉性孝友且嗜學公暇輒研究周易性理孝經每校士親加評隲列前茅者多獲售一時稱盛陞中書科中書

周宗達字重章山西山陰人任主簿居官勤慎聽斷明允尤篤于寅誼助康丞之喪恤王丞之孤人咸稱之後陞任黔中紳士餞別賦詩有留惠集

楊繩祖字景西山西籍江南山陽人康熙舉人由冀州牧改任嘉善銳精圖治寬猛得宜重構倉廳擴脩忠義孝

弟祠殷懷禮士常捐俸資其膏火逋租佔種者分別懲
儆議歸復嵌田續脩邑乘葺梅花道人墓復建亞聖祠
俱未果期年病卒

以上嘉善戈志

張鏞字東序無錫人康熙進士雍正元年知縣事爲人寧
靜恂恂儒雅以振興文教爲已任脩思賢書院厚給膏
火集邑中俊秀肄業其中以左遷去士民懷之

李天桂字馥山大興人貢生知縣事有惠政縣收漕會久
雨米色腐爛坐罷職行治罪矣天桂詣城隍廟仰天呼
曰嘉善十萬漕我自問無顆粒實已乃令死于此乎士
民觀者皆爲感動有某氏子前曰公勿憂我等當復完

嘉興府志

卷四十三

名宦二

三

耳一夕遍傳鄉市三日復得米三千餘石輸未畢啟前
厥貯視之則數寸以下皆精粒也旋以課完予復職時
有一販夫傾囊助十金某村婦貿布回置錢而去其得
民如此

羅緒字天根閩中人舉人雍正十一年由昌化令署嘉善
縣事操守清慎聽獄明允民有構訟者緒呼兩造至案
前委曲開諭民咸悅服數月之後案牘日稀嘗勸義塾
以教民學先時楊公廉纂脩邑志未竟緒延邑中紳士
續成之以註誤去邑人作詩送之名慈航集

張聖訓字杏傳奉天鑲白旗人雍正進士乾隆元年以翰

林改授知縣聽訟明決庭無留獄嘉善賦額視六邑較重而旗丁積蠹更抑勒爲奸聖訓廉知其弊因令各販削竹編字號民自探籌得某販卽持而從之槩而溢累黍者立加之罰胥吏皆懾息莫敢恣肆建魏塘書院集士之秀者課以文藝親定甲乙凡勞農弭盜皆實力奉行其循聲遺愛至今邑人猶傳誦之

陳以剛字燭門天長人康熙進士乾隆三年蒞任爲人強毅愛民重士尤長于斷獄有以奴倍主者勢張甚以剛執而鞠之伏其辜隣邑有殺人者獄久不具大吏檄以剛往一訊卽得又較正市斛使歸畫一懋遷者咸賴其

利因號曰天長斛工詩善書文學政事兼而有之

陶學楠南城人乾隆九年由儒士授邑尉緝盜安民勤于職守時拐黨肆毒有受其重賂者力護之學楠盡法嚴懲搜拔根株當時有陶青天之名至今稱幹吏必推陶尉云

饒萬鑑長沙人貢生乾隆十一年知縣事性廉介政尙簡靜不事鞭扑時嘉禾六邑皆患螟災獨嘉善有秋民咸德之在任一年以引年去士民賦詩餞別名其集曰武

水清音

梁徽字慎五介休人舉人乾隆二十二年知縣事召邑中

父老詢以利弊武塘東連松泖西接秀水水鄉寥闊時有剽竊徽嚴飭捕保力行保甲法捐俸招募技勇協同巡緝萑苻戢影民得安居又以西北二鄉地形窪下每遇秋霖傷稼徽令于農隙時高築圩岸以禦水患他若崇學校釐漕弊置義塚以及育嬰堂同善會凡有益于民者莫不盡心籌畫調錢塘終杭州東海防同知孫震奉天正紅旗人舉人乾隆三十一年知縣事居心仁厚愛民如子有孫佛子之稱洎任半載以越獄去官士民咸惜之

周樽字眉亭昆明人乾隆舉人知縣事性剛直不畏強禦

有蠹吏稔惡不悛樽婉諭之曰若所爲吾盡知之今貸爾罪後有犯無赦吏涕泣悔悟終樽之任皆奉法惟謹以卓異擢本郡通判歷官安徽布政使

諸克任字伊人號虛白錢塘人乾隆丙辰舉人壬戌明通博聞強記處事明練歷佐大府幕丁亥補教諭兼掌魏塘書院悉心講貫爲人和厚所作詩文清麗有骨後陞寧波府教授

孫奇字國珍三河人以吏員授主簿分駐風涇鎮鎮與松江婁縣接壤作奸者每藉鄰境爲遁藪奇擒治不少貸操守廉介卒于官

邵子柟字學庵富陽人以歲貢選訓導學問淵雅尤長于詩時邑多火葬者于柟作詩勸之俗爲之變在任六年

引疾去

以上新纂

海鹽縣

漢

案海鹽圖經謂海鹽令長秦先漢無考以東漢爲始又謂前志載漢令蘇章蓋據後漢書蘇章傳嘗爲武原長也不知武原是鄉未嘗爲縣惟彭城有武原縣豈得謂是茲土乎舊志名宦蘇章傳今刪

白沃史君順帝永建二年令也初縣治在武原鄉陷爲常湖君乘馬走指得湖東北一角遂不沒民建廟祀之

海鹽

圖經

嘉興府志

卷四十三 名宦二

十五

吳

步騭字子山臨淮淮陰人孫權召爲主記除海鹽長性寬

雅博研道藝訓齊風俗後代陸遜爲丞相

三國志本傳參吳志

葛公失其名丹陽人有經國才仕吳歷宰海鹽及臨安山

陰後封吳壽縣侯

抱朴子

晉

鮑陋隆安中爲縣令會稽賊孫恩攻縣陋禦之恩走復遣

子嗣之以兵一千爲劉裕前鋒追恩裕慮吳人不習戰

命居後嗣之竟前戰死陋終益州刺史

劉志

虞潭吳國內史軍荒之後脩滬濱壘以備海沙百姓賴之

袁山松吳國內史孫恩作亂山松築滬濱壘緣海備之後

爲恩所攻陷被害

以上海鹽圖經案滬濱在今松江東北六十里舊海鹽東北境

祖撫海鹽令有集三卷

隋書經籍志按海鹽圖經誤作梁人有集三十卷吳志又誤作隋

南北朝

虞邱進字豫之鄉人從宋武帝征孫恩破賊張驃追至海

鹽故治頻戰有功

海鹽圖經

王孚瑯琊臨沂人爲縣令泰始初天下叛亂孚以兵從巴

陵王休若討顧琛琛欲泛海走會稽孚邀擊之不得渡

官至司徒記室參軍

吳志

孔僉會稽人少師事何允三爲五經博士遷尙書祠部郎

嘉興府志

卷四十三

名宦二

六

出爲海鹽令

袁志

周顒字彥倫汝南安城人隱居鍾山應詔出爲海鹽令孔

德璋作北山移文嘲之終國子博士

吳志案本傳建元初顒爲山陰令

呂向文選注作應詔出爲海鹽令

蕭特字世遠齊高帝曾孫子雲之子官太子舍人出爲海

鹽令

海鹽圖經

劉霽字士湮平原人天監中爲海鹽令以和理著稱

則府元龜

徐份陵之子有父風解褐爲秘書郎累遷太子洗馬出爲

海鹽令甚有治績

陳書徐儉傳

唐

劉長卿字文房河間人開元進士至德二年攝海鹽令終
隨州刺史長卿有攝令上節度李公詩云昔忝登龍首
能傷困驥鳴遂令辭短褐仍欲請長纓罷攝後還舊居
詩云累辱羣公薦頻霑一尉微去緣焚玉石來爲采葑
菲州縣名何在漁樵事亦違讀此知長卿登第爲尉後
以事貶廢復應李公浙西幕府辟爲監察御史始承攝
縣之遣也

姚南仲下邳人乾元初擢制科授太子校書右補闕出爲
海鹽令觀察使韓滉辟爲推官歷尙書右僕射以上海鹽圖經
李諤字士恢長慶中令海鹽察俗利病引河流資灌溉開

嘉興府志

卷四十三

名宦二

七

古涇三百以禦水旱民至今利之嘗于西郊立望城館

張祐題之以詩

唐書地理志
參海鹽圖經

宋

黃郎中失其名

海鹽圖經
或云名道

宋初賢令民立廟于州前祀之

何執中有重修碑記

吳志

魯宗道字貫之亳州人舉進士爲海鹽令疏治東南舊港
口導海水至邑下人以爲利號魯公浦官至參知政事

謚簡肅

東都
事略

石知一太平興國中以主簿攝縣始建儒學縣東翁緯爲
之碑記蓋有功于文教者也